

Vuk'uzenzele

Uyefulelwa Lumphiko Lwahulumende Lwetekuchumana Netekwatisa (i-GCIS)

English/Siswati

Ingci 2022 Lushicilelo 1

Kutfufukisa bomake ngetekulima



Dkt. Ethel Zulu ungomholi welipulazi lakhe lapho ahlangela khona tibhidvo kanye netinkhukhu ngekwemvelo lakuphakela emasuphamakethe lasimeme.

Picture supplied by Dr Zulu.

Owen Mngadi

Dkt. Ethel Zulu ngumlimi lomncane lomangalisako losafufusa.

Usebentisa lwati lwakhe lolujulile lwekudla loku-

nemsoco kanye neminyaka yekukhucita tinkhukhu netibhidvo ngekwemvelo epulazini lakhe ngenhloso yekutfufukisa labanye bomake kute kutsi babe balimi labalimela kutse-ngisa.

Dkt. Zulu (48), loneticu tebudokotela kutekudla lokunemsoco unelipulazi lelingemahlektha lange-23 eCullinan ngaphandle kwe-Pitoli, lapho akhucita khona ngekwemvelo tibhidvo netinkhukhu ngekusebenta

imikhucito ngekulima layiphakela etimakethe letinyenti.

Lipulazi lakhe liphindze futsi lisingatse titjudeni letinge-20 leticeceshelwa tifundvo tekulima. Dkt. Zulu wayekela umsebenzi wakhe eLitikweni Letekulima eNyakatfo Nshonlanga kute acale i-ejensi yakhe yekucecesha leyatiwa ngekutsi yi-*Hope Nutrition Business Consultants*.

Loku kwenteka ngemuva kwekutsi atewuhlala eGauteng kodvwa wangakhoni kutfolo umsebenzi ngenge-sati sekudla lokunemsoco.

Unelutsandvo lolukhulu lwetekulima kantsi umbononchanti wakhe kutsi kungene bomake labanyenti kutekulima, lokungumkhakha lakholelwa ekutseni unemandla lagcinekile ekutfufukisa nekudala imisebenti.

“Ngisebente iminyaka lesiphohlango, ngisebentisana nebalimisi, futsi sisite balimi labanyenti macondzana nekuphepha kwekudla, tekuhlanteka nekudla lokunemsoco. Tekulima bekusolo ngititsandza kusukela ngesikhatsi

ngisasemncane futsi angizange sengitibone ngenta lokunye.”

Ngekusebentisa i-ejensi yakhe yekucecesha, Dkt. Zulu uchaze kutsi usebente kutifundza letisitfupha, asita bomake nebantfu labasha kutsi bakhone kuchuba imisebenti yabo yekulima.

Kufuyela kutse-ngisa tinkhukhu

“Nga-2017, Dkt. Zulu wabona kutsi kucecesha kwakhe akusho lutfo nangabe kute imiphumela, ngaleyo ndlela-ke wase utsenga lipulazi kute lwati lwakhe alusebentise khona.

Lamuhla sewungumfuyi lofuyela kutsengisa tinkhukhu tabobhayizane letingetulu kwe-7 500. Lisu lakhe lasekucaleni bekukhucita tibhidvo temvelo kuphela.


“Ngangidzinga tinkhukhu kute ngitfole umcuba. Bengiya emakhaya ebantfu ngiyowubutsa khona kute kutsi ngigcine tibhidvo tami titemvelo. Wangifikela nga-

Iyachubeka elikhasini lesi-2



Wesifazane wekucala waseNingizimu Afrika loceceshelwe kuba i-paratrooper

Likhasi le-10





Lesedi Ledwaba utsatsa ibhizinisi yekwakha uyibeka emazingeni lamasha lasetulu

Likhasi le-11

Kufundza iVuk'uzenzele faka iGOVAPP ku:

Bheka- SA Government ku Google playstore nome appstore

TSINTSANA NATSI  Vuk'uzenzele  @VukuzenzeleNews

Iwebhusaythi: www.gcis.gov.za I-imeyli: vukuzenzele@gcis.gov.za
www.vukuzenzele.gov.za **Lucingo: (+27) 12 473 0103**

Tshedimosekiso House:
 1035 cnr Frances Baard and Festival streets, Hatfield, Pretoria, 0083

Ichubeka isukela elikhasini le-1

Ileyo ndlela-ke umcondvo wabobhayizane. Kungakapheli iminyaka lemibili, sakhicita bobhayizane laba-5 000 futsi sacala kuphakela emasuphama-kethe endzawo."

Wengete ngekutsi tinkhukhu atigcinwa ehhokweni sonkhe sikhatsi futsi temvelo, tite tikhulisimtimba. Usebentisa umcuba wetinkhukhu nakahlanyela tibhidvo letifanana nesipinashi, ibhrokholi, ikhabishi nabopelepele.

Kwengeta kumasu-

phamakethe, Dkt. Zulu uphindze futsi aphakele imikhicito yakhe kulabatsengisa etitaladini. Libhizinisi lakhe line-mphumelelo ngendlela yekutsi ucashe bomake laba-12 siphelane.

Ngekusho kwaDkt. Zulu, tinkhukhu tingumkhakha lomcoka kakhulu kulelive, ngobe imindeni leminyenti idla tinkhukhu kwengca nome ngabe nguluphi luhlobo lwenyama.

Dkt. Zulu unelitsembe lekucecesha bomake labangetulu kwe-1 000 kutekulima kulolonkhe lelive ngemnyaka. Utimisele futsi ngekutsi abe

ngulomunye webakhiciti labatsembekile lapha eNingizimu Afrika wetinkhukhu letingagcinwa ehhokweni sonkhe sikhatsi netibhidvo temvelo.

Weluleka bomake labanesifiso sekulima futsi bacale kancane bangalindzeli kwe-sekelwa nguhulumende. "Nangabe kwesekwela nguhulumende kukutfo, kutawuba kukufukula lokwengetiwe. Nangabe udzinga kukhacita bobhayizane laba-3 000, kute lokukuvimba futsi ucale nge-20. Hamba ucocisane nemasuphama-kethe endzawo kute

utfole kutsi afuna lizinga lelinjani fusi nisebentisane ngemacembu kute kutsi nihlangabetane netimfuno telizinga nelinani lawo," kwengeta yena njalo.

Kutfufukisa bomake ngetekulima

Dkt. Zulu ukholelwa ekutseni kulima kungadlala indzima ekutfufukiseni bomake ngekwetemnotfo kanye nasekudaleni imisebenti leminyenti yabomake.

"Nangabe utfutukisa make, suke utfutukisa sive. Siyakhona kwabelana ngelwati lwetfu sente futsi kutsi bantfu labanyenti

batimbandzakanye."

Wengeta ngekutsi bomake kufanele kutsi bangagcini kuphela ngekulima kodvwa kudzingeka kutsi bahlole naletinye tindlela tekusebenta talemboni letifanana nekusebenta imikhicito yetekulima, kufaka emaphakethini kanye nekutsengisa futsi.

"Kutimela ngekwetimali ngiyo kuphela intfo lengasita kucedza lobudlova lobucondziswe ebulingini lobutsite futsi loko kungafezekiswa ngekutsi kusetjentiswe kulima, emkhatsini walokunye," kwasho Dkt. Zulu.

Emabhizinisi lamancane ayagcugcutelwa kutsi afake ticelo tekusekelwa

Nosihle Shelembe

Indvuna Yetekutfufukisa Emabhizinisi Lamancane, Stella Ndabeni-Abrahams, ugcugcutele emabhizinisi lamancane emalokishini nasetindzaweni tasemakhaya kutsi afake ticelo tekusekelwa ngekusebentisa Luhlelo Lwemabhizinisi aseMalokishi naseTindzaweni Tase-makhaya (i-TREP).

"Sikwenta ngenhloso kutsi silungise kuswelakala kwemisebenti nebuphuya, siphindze futsi sibe nesibopho sekutsi sikhulise umnotfo," kwasho yona njalo Indvuna Ndabeni-Abrahams.

Ngesikhatsi akhuluma eMhlanganweni Welusha we-SheTradesZA lesandza kubanjelwa lapha ePitoli, Indvuna itsite samba lesikhulu semalimboleko se-TREP sibe esigidzini semarandi lesinye, incenye yinye iba sibonelomali bese kutsi lenye incenye ibe imalimboleko.

Bosomabhizinisi labasetindzaweni tasemakhaya nome emalokishini bangafaka sicelo sekusekelwa, lokufaka ekhatsi kusekelwa ngetimali, ngekusebentisa lifomu leletyalekile lelibuya ku-Ejensi Yekutfufukisa Emabhizinisi Lamancane (i-SEDA), i-Ejensi Yetetimali Yemabhizinisi Lamancane (i-SEFA), i-Ejensi yeSikhwama Savelonkhe Sekutfufukisa (i-NEF) kanye ne-Ejensi Yavelonkhe Yekutfufukisa Lusha (i-NYDA).

Banikati bemabhizinisi kufanele kutsi babe takhamuti taseNingizimu Afrika.

Letikimi letilandzelako tiyatfolakala kulabo bosomabhizinisi labafanelekako:

- Luhlelo lwekwesekela babhaki betinkhwa nemakhekhe
- Luhlelo lwekusekela kulungiswa kwetimoto kanye netitolo letitsengisa tincenye tetimoto neku-khinika timoto (kanye netitolo letincane tetincenye tetimoto naletitimele kanye nabosomabhizinisi

betimoto labatimele).

- Luhlelo lwekwesekela emasilaha
- Luhlelo lwekwesekela labatfunga timphahla tekugcoka, labasebenta ngesikhumba nangen-dvuwangu
- Luhlelo lwekwesekela kuciwala
- Luhlelo lwekwesekela titolo tetisipaza
- Luhlelo lwekwesekela ishisanyama nekudla lokuphekiwe

Kubhalisa kungentiwa ku: smmesa.gov.za bese ucedzela lwatiso loludzingekako.

Kucinisekisa kutsi tinchubo tekutfole timali temabhizinisi lamancane kwenteka ngaphandle kwetihibe futsi kwenteka lula, hulumente umatasatasa ngekuhlanganisa ndzawonye tikhungo temabhizinisi lamancane kutsi akhe i-nejensi yinye.

"Kwanyalo simatasatasa ngenchubo yekuhlanganisa i-SEFA ne-SEDA kanye ne-Ejensi Yekutfufukisa Emabhange Lasebentisana-nako."

Luhlelo Lwe-SheTrades

Ndabeni-Abrahams utsite ngekusebentisa imitamoleyehlukahlukene, hulumente usite umkhakha wetemabhizinisi lamancane kutsi ukhule futsi udale kucashaka lokudzingeka kakhulu.

"Litiko Letekutfufukisa Emabhizinisi Lamancane ne-SEDA bakhe budlelwane neSikhungo Semave Emhlaba Sekuhweba (i-ITC), kute kutsi kuletfwe loluhlelo lwe-SheTrades lapha eNingizimu Afrika kanye nekudala kutsi kube nenkhaba ye-SheTradesZA.

"Loluhlelo luhlose kutfufukisa emabhizinisi banikati bawo lababomake kutsi ahwebe lapha eveni, ngekwesigodzi kanye nase-maveni emhlaba. Lenkhaba isekela ekuciniseni emakhono etemabhizinisi kanye nekuchudzelana emkhatsini wabosomabhizinisi lababomake baseNingizimu Afrika lokungenani laba-10 000 esikhatsini lesiminyaka lemine," kwasho yona

njalo Indvuna.

Cishe bosomabhizinisi lababomake baseNingizimu Afrika la-3 000 sebevele babhalisile ku-SheTradesZA futsi batfole kufundza nge-inthanethi kwamahhala kanye nekuceceshelwa emakhono ekwenta umse-benti.

Le-SheTradesZA itawuphindza futsi yente ncono kutsi kube nekufinyelela lokuncono kulutjalomali kwemabhizinisi laphetfwe bomake kanye nekugcugcutela ematfuba etemabhizinisi.

"Kutimbandzakanya kwelitiko ne-SEDA ku-SheTradesZA kukhombisa kutinikela kwetfu ekutfufukiseni kanye nasekucinisekiseni kutfufukisa ngekwetemnotfo bomake baseNingizimu Afrika," kwasho Indvuna Ndabeni-Abrahams. - SAnews.gov.za

Kute utfole lwatiso lolubanti lolumayelana ne-SEDA, sintsintse ku: **0860 663 7867** kulencwadzigezi: info@seda.org.za nome ungene kulewebhusayithi: www.seda.org.za.



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production

Regomoditswe Mavimbela
Regomoditswe@gcis.gov.za

Acting Editor-in-Chief

Zanele Mngadi | Zanelemngadi@gcis.gov.za

Acting Managing Editor

Tendai Gonese | tendai@gcis.gov.za

News Editor

Noluthando Motswai

Writers: More Matshediso
Ursula Graaff

Graphic Designers

Tendai Gonese | Benny Kubjana

Production Assistants

Jauhara Khan | Sebastian Palmer

Language Practitioners


Nomgcibelo Motha | Boitumelo Phalatshe
Thandolunye Khulu | Mahanyele Ramapala

All rights reserved. Reproduction of the newspaper in whole or in part without written permission is strictly prohibited.

Vuk'uzenzele
is published by Government
Communications (GCIS)



Printed by:



Distributed by:





Singakhona futsi sitawusebenta ngemandla kute sicedze kucishwa kwagezi



Kulamaviki lambalwa lengcile, kucishwa kwakhulu kwagezi ngenhloso yekuwonga kutsikamete umnotfo wetfu futsi kwabanga bulukhuni lobukhulu kubantfu bonkhe baseNingizimu Afrika.

Sigaba se-6 sekucishwa kwagezi ngenhloso yekuwonga kwabangelwa kulahleka kwema-megawatts (ema-MW) langetulu kwe-18 000 emandla ekuphehla ngenca yekwephuka kwemayunithi kanye nesiteleka sebasebenti baka-Eskom lesingekho emtsetfweni.

Ngemuva kweminyaka lelishumi kunekushoda kwagezi, bantfu baseNingizimu Afrika bafanele kutfukutsela nekukhatsateka. Ngetikhatsi letifanana naleti, kuvakala shengatsi lentfo ngeke ite iphele nyalo nanyalo.

Nanome kucishwa kwagezi ngenhloso yekuwonga kubonakala shengatsi sekubi kakhulu, liciniso litsi

sesitsatse tincumo letinyenti naletibalulekile tekulungisa lokushoda kwekuphakelwa kwagezi.

Lesikubeke embili lesitawucala ngakokutsi sikwente, kusimamisa luhlelo lwekuphakelwa kwagezi. Njengaloku loluhlelo seluvuka nekuphehlwa kwagezi sekubuyela esimeni, Eskom utawukhona kutsi anciphise kucishwa kwagezi ngenhloso yekuwonga kube setigabeni letiphasi.

Lesivumelwane lokufinyelelwe kuso emkhatsini wa-Eskom netinyonyana tebasebenti sitakwenta kutsi kukhonwe kulungisa loko lokumcoka kanye nekubuyisela esimeni kusebenta kwemayunithi langentiwe. Kuhanjiswa kwagezi lokusuka eCohora Bassa eMazambiki sekubuyiselwe esimeni futsi, lokwenta kutsi kungenteke 600 MW kugridi kanye neYunithi ye-6 yaseMedupi seyiyasebenta kusukela ngeMgcibelo, lokukwengete

lamanye ema-720 MW. Emayunithi langentiwe kulindzeleke kutsi asebente futsi, lokuyintfo letakwehlisa kakhulu umtfwalo wekushoda kwagezi lokukhona kwanyalo.

Ngesikhatsi lesifanako, ema-ejensi ekucinisekisa kugcinwa kwemtsetfo asebenta kamatima ekuhlweni nekucekela phasi, kweba nekukhwanisa lokwenteka ka-Eskom ngenhloso yekulungisa lobungoti eluhlelweni lwa-gezi lobubangwa nguletentobugebengu.

Ekugcineni, lokumcoka kutsi sidzinga kutsi singete kakhulu likhono lekwenza kugridi. Loku kutawudala kutsi Eskom akhona kutsi atfole litfuba lekugcineka asesimeni lesibalulekile lesisebentako kanye nekwandzisa kwetsembeka kwetisetjentiswa takhe. Loku kutawuphindza futsi kwakhe sivikelo sekutsi nanome emayunithi lamanyenti angephuka ngesikhatsi sinye, leminyene

imitfombolusito ingasetjentiswa.

Lesinye setinyatselo lengasitsatsa ngemnyaka wa-2018 kwaba kuvusetela luhlelo lwekutsenga emandla lavusetelwako. Kwengeta kulokutsengwa kwemandla lamasha ekuphehla ngekusebentisa loluhlelo, kwenyuka kwemkhawulo wemvume yemiklamo yekuphehla kwafinyelela kuma-100 MW kusho kutsi batjalitimali labatimele imvume kute bakhe tisetjentiswa kute tifinyelele kulobungaka. Letingucuko letilula tivule emandla lamakhulu labegcinekile letako elutjalomali.

Eskom wente kutsi kube nemhlaba edvute netiteshi takhe temandla kute kutsi kube nelutjalomali lolutimele kumiklamo yemandla lavusetelwako. Tindlela temadizayini setivele tiphofuliwe kute kutsi kwentiwe ncono kusebenta kwemayunithi 1, 2 na-3 aseMedupi kantsi asachubeka kumayunithi 5 na-6.

Nanome lolokwentiwako kubalulekile futsi kutawutsela titselo kuletinyanga letitako, akukaneli kutsi kulungiseke lenkinga lesibukene nayo.

Lokukhonjiswe ngulamaviki lambalwa lengcile kutsi sidzinga kutsi sente kakhulu futsi loko sikwente ngekuphutfuma.

Asikho sizatfu sekutsi kungani live lelifanana naleletfu – lelinemakhono, emandla ekwenta kanye nemitfombolusito lesinawo – kufanele kutsi libe nekushoda kwagezi.

Kulamaviki lengcile, besisebenta neTindvuna letifanele kanye netikhulu mayelana netinyatselo letengetiwe kutsi sente ngekushesha yonkhe imitamoyekutsi sandzise kuphakelwa kwetfu kwagezi. Umlayeto uyacaca: lesi akusiso sikhatsi sekusebenta njengalokwetayelekile. Kudzingeka kutsi sitsatse sincumo ngesibindzi kute sente kucishwa kwegezi ngenhloso yekuwonga kube yintfo yasesikhatsi lesengca.

Nanome letinyatselo lesesititsatsile titawukwenta siciniseko sekutsi kuphakelwa ngekwetsembeka nekungabiti kwagezi esikhatsini lesitako, sesibuke kutsi ngutiphi letinye tinyatselo lesingatsatsa nyalo kute kutsi sisondzete edvute leyo nhloso yetfu.

Kungasikudzala sitawucedzisa umsebenti ngemininingwane kanye nekubonisana lokudzi- ngekile kute siphofule letinyatselo letichubekako. Sitawubese-ke, ngekushesha, sesiyakhona kumemetela tinyatselo letiphelele kute sizuze inchubekelembili ngekushesha ekulweni nalenkinga yekucishwa kwagezi ngenhloso yekuwonga.

Kute tisombululo letilula tekulungisa inkinga yetfu yagezi. Kodvwa sitimisele futsi sincumile kutsi sitawuhlwaya tonkhe tindlela siphindze futsi sisebentise nome ngabe nguliphi litfuba kucinisekisa kutsi siphehla gezi lowanele kute sihlangabetane netidzingo talelive. **1**